



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XLV. De restrictione numeri 4. Prædicatorum Vocalium Congreg. S.
Bernardi in Hispania.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

infertis habentes; illis alias in suo robore permanfuris, ad præmiſſorum effectum hac vice dumtaxat ſpecialiter, & expreſſe derogamus, cæteriſque contrariis quibuſcumque.

Datum Romæ apud S. Petrum ſub Anno Piſcatoris die XIII. Febr. MDCCIV., Pontificatus noſtri Anno Quarto.

XLIV.

Confirmatur Decretum Congregationis Rituum de celebratione Miſſæ B. M. V. ſingulis anni Sabbatis pro Min. de Obſerv. Diſcalc. Provinciæ Bæticæ.

Inn. XI. Conſt. ed. 1686. Sep. 5. P. 10. extat confirmatio Indulgentiarum Ordinibus de Obſerv. conſeſſarum. Et hujus Pontificis Conſtitut. ed. 1705. Maji 8. P. 5. conceditur eadem facultas Fratribus Provinciæ Mexicana.

Dat. 13. Febr. 1704. An. 4.

CLEMENS PAPA XI.

Ad futuram rei memoriam.

EManavit nuper a Congregatione Venerabilium Fratrum noſtrorum S. R. E. Cardinalium Sacris Ritibus præpoſitorum ad ſupplicationem dilecti filii Balthaſaris a Sancto Didaco Fratris expreſſe profeſſi, ac Procuratoris Provinciæ Bæticæ Ordinis Minorum Sancti Franciſci de Obſervantia Diſcalceatorum nuncupatorum Decretum tenoris, qui ſequitur, videlicet. Ordinis Diſcalceatorum S. Franciſci Provinciæ Bæticæ, ſive Hiſpalenſis: Cum in Provinciæ Bæticæ Ordo Diſcalceatorum S. Franciſci a principio ſuæ erectionis, prout aſerebatur, ob ſingularia, interceſſione Beatiffimæ V. Mariæ accepta beneficia in gratitudinis obſequium ſingulis diebus Sabbati pro Sanctæ Romanæ Eccleſiæ exaltatione, ac pro conſervatione ipſius Provinciæ, non omiſſa poſt tertiam conventuali, de ipſa Beatiffima Virgine in Aurora Miſſam celebrare ſe obſtrinxerint, cumque, prout etiam exponebatur, ob multiplicia Rituum duplicis officia, ad quæ Ordo prædictus tenetur, nunquam, vel raro Miſſa de Beatiffima Virgine valeat celebrare; idcirco a Fratre Balthaſare a Sancto Didaco Provinciæ Bæticæ Diſcalceatorum S. Franciſci Procuratore Sanctiſſimo Domino Noſtro pro conceſſione Indulti celebrandi prædictas Miſſas de Beatiffima Virgine ſingulis anni Sabbatis in Aurora, & licet feſto duplici impeditis, nunquam tamen in iſdem Sabbatis omiſſa alterius Miſſæ Conventualis celebratione, humiliter ſupplicatum fuit, ſupplicique libello eidem Sanctiſſimo porrecto, a Sanctitate Sua ad ſacrorum Rituum Congregationem remiſſo, eoque ab Eſmo, & Rmo Domino Cardinali S. Clementis relato Sac. eadem Rituum Congregatio, exceptis die Nativitatis, ac Sabbatis Paſchatis, & Pentecoſtes, pro Diſcalceatis S. Franciſci Provinciæ Bæticæ, gratiam juxta petita benigne indulſit, atque conceſſit. Die 13. Auguſti 1701. - Ita reperitur in Registro Congr. Sacri Rituum. In quorum fidem &c. hac die 15. Febr. 1704. Loco + Sigilli - G. Cardinalis Carpineus - B. Inghirami Sac. Rit. Congr. Secretarius.

Decretum præd., in quo ejus cauſa, & facultas celebrandi d. Miſſam ſingulis Sabbatis, exceptis illis Paſchatis, & Pentecoſtes, ac die Nativitatis.

Preces Procuratoris Provinciæ.

§. 1. Cum autem, ſicut prædictus Balthaſar Nobis ſubinde exponi fecit, ipſe Decretum hujusmodi quo firmius ſubſiſtat, & ſervetur exactius, Apoſtolice confirmationis noſtræ patrocinio communiti plurimum deſideret: Nos ipſum Balthaſarem ſpecialibus favoribus, & gratiis proſequi volentes, & a quibuſvis excommunicationis, ſuſpenſionis, & Interdicti, aliſque Eccleſiaſticis ſententiis, cenſuris, & pœnis a Jure, vel ab homine quavis occasione, vel cauſa latis, ſi quibus quomodolibet innodatus exiſtit ad effectum præſentium dumtaxat conſequendum harum ſerie

abſolventes, & abſolutum fore cenſentes, ſupplicationibus ejus nomine Nobis ſuper hoc humiliter porrectis inclinati; Decretum præſertim auctoritate Apoſtolica tenore præſentium confirmamus, & approbamus, illicque inviolabilis Apoſtolice firmitatis robur adjicimus, ſalva tamen ſemper in præmiſſis auctoritate memoratæ Congregationis Cardinalium.

§. 2. Decernentes eaſdem præſentes Literas ſemper firmas, validas; & efficaces exiſtere, & fore; ſuoſque plenarios, & integros effectus fortiri, & obtinere, ac illis, ad quos ſpectat, & pro tempore ſpectabit pleniffime ſuffragari: ſicque in præmiſſis per quocumque Judices Ordinarios, & Delegatos, etiam Cauſarum Palatii Apoſtolici Auditores judicari, & deſiniri debere; ac irritum, & inane, ſi ſecus ſuper his a quoquam quavis auctoritate ſcienter, vel ignoranter contigerit attentari.

§. 3. Non obſtantibus Conſtitutionibus, & Ordinationibus Apoſtolicis, cæteriſque contrariis quibuſcumque.

Datum Romæ apud Sanctum Petrum ſub Anno Piſcatoris die XIII. Februarii MDCCIV. Pontificatus noſtri anno Quarto.

Confirmatio relati Decreti.

Claufula.

XLV.

Confirmatur Decretum Congr. Epif., & Regularium de ſervanda Conſtitutione Innoc. XI. etiam quoad reſtrictionem numeri quatuor Prædicatorum Vocalium pro Congregatione Ciſterciendi S. Bernardi in Hiſpaniis.

Laudata Conſtitutio Inn. XI. ed. fuit an. 1678. Et de Prædicationibus vide Conſt. 1701. Febr. 19. P. 1. ſecundo loco. Et Conſtit. editam 1720. Maji 29. P. 20.

CLEMENS PAPA XI.

Ad futuram rei memoriam.

EManavit nuper a Congregatione Venerabilium Fratrum noſtrorum S. R. E. Cardinalium negotiis, & conſultationibus Epifcoporum; & Regularium præpoſita Decretum, tenoris, qui ſequitur, videlicet. In cauſa vertente inter Religionem S. Bernardi Ordinis Ciſterciendi Reformati Hiſpaniarum ex una, & Patres Dionyſium Ximener, Paulum Freyriam, & adherentes partibus ex altera de, & ſuper obſervatione Brevis Sa. Mem. Innocentii XI. de anno 1678. expediti pro limitatione numeri Prædicatorum Generalium ad quatuor tantum &c. Sacra Congregatio Eminentiffimorum, & Reverendiſſimorum Sanctæ Romanæ Eccleſiæ Cardinalium negotiis, & conſultationibus Epifcoporum; & Regularium præpoſita referente Eminentiffimo Gabriellio, cenſuit, ac decrevit, prædictum Breve Sa. Mem. Innocentii XI. eſſe obſervandum, etiam quoad reſtrictionem numeri quatuor Prædicatorum vocalium, comprehenſo inter ipſos Prædicatore Toletano Romæ 2. Junii 1701. - G. Cardinalis Carpineus. I. F. Grimaldus Secr.

Decretum præd. an. 1702. Jun. 2.

Preces Procuratoris Gen.

§. 1. Cum autem, ſicut dilectus filius Joannes Guerrero Procurator Generalis Congregationis Reformatæ Monachorum earumdem Hiſpaniarum Ordinis prædicti Nobis ſubinde exponi fecit, ipſe Decretum hujusmodi, quo firmius ſubſiſtat, & ſervetur exactius, Apoſtolice confirmationis noſtræ patrocinio communiti plurimum deſideret: Nos ipſum Joannem Procuratorem Generalem ſpecialibus favoribus, & gratiis proſequi volentes, & a quibuſvis excommunicationis, ſuſpenſionis, & interdicti, aliſque Eccleſiaſticis ſententiis, cenſuris, & pœnis a Jure, vel ab homine quavis occasione, vel cauſa latis, ſi quibus quomodolibet innodatus exiſtit, ad effectum præſentium dumtaxat conſequendum ha-

rum

Confirmatio relati Decreti.

rum ferie absolventes, & absolutum fore censentes supplicationibus ejus nomine Nobis super hoc humiliter porrectis inclinati, Decretum præinfertum, auctoritate Apostolica, tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

Clausulæ.

§. 2. Decernentes easdem præsentis Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & spectabit in futurum plenissime suffragari, & ab eis respectively inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit dictæ Congregationis Hispaniarum, etiam Juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus, pro plene, & sufficienter expressis, ac ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XX. Februarii MDCCIV. Pontificatus Nostri Anno Quarto.

XLVI.

Conceditur FF. Capuccinis facultas dividendi Provinciam Vallonam in duas, hasque firmandi quibusdam articulis.

Inn. XII. Const. ed. 1695. Aug. 6. P. 5. extat divisio Provincia Sardinia. Et hujus Pontificis Const. ed. 1721. Jan. 11. P. 21. divisio Provincia Insulen.

Dat. 1. Mar. 1704. An. 4.

CLEMENS PAPA XI.

Ad futuram rei memoriam.

Exordium.

Scrofancti Apostolatus officium, quod infabilis Sapientiæ, atque Clementiæ Dei altitudo humilitati nostræ meritis licet, & viribus longe impari imponere dignata est salubriter exequi, adjuvante Domino, jugiter fatagentes ad ea, per quæ felici, prosperoque Religiosorum virorum suave Christi jugum sub arctioris vitæ instituto, laudabiliter portantium regimini, & gubernio consulitur, libenter intendimus, munerisque nostri Pastoralis partes, propensa desuper charitate interponimus, sicut locorum, personarum, rerum, & temporum qualitatibus mature pensatis, ad Omnipotentis Dei gloriam, & Religionis incrementum, expedire in Domino arbitramur.

§. 1. Exponi siquidem Nobis nuper fecit dilectus filius modernus Procurator Generalis Ordinis Fratris Minorum S. Francisci Capuccinorum nuncupatorum, quod cum nos alias nempe anno 1702. negotium petite divisionis Provincie Vallonicae dicti Ordinis novemdecim Conventibus, quorum decem in Hispanici, & novem in Leodiensis Domini temporales locis reperiuntur, constantis, ad Capitulum Generale ejusdem Ordinis die 2. Junii ejusdem anni celebratum examinandum remisimus, ibique auditis hinc inde Fratrum, tam dictorum decem,

Causa Divisionis præd. Rom. Pontifice commissa fuit Capitulo Gen. quod deputavit Commissarium, qui necessarium judicavit divisionem 19.

quam prædictorum novem Conventuum super divisione hujusmodi ab eis postulata, petitionibus, decretum fuisset, ut Commissarius Generalis ad dictam Provinciam deputaretur, qui super dicta divisione omnes ejusdem Provincie Religiosos audiret, Principum, ac Populorum sensus exploraret, & divisionis hujusmodi necessitatem examinaret, ac quatenus ea evitari non posset, illius modum, & formam, membraque, confinia, & omnia ad pacem, charitatemque inter partes divisas servandam, conducentia sedulo discuteret, illorumque relationem cum voto suo consultivo ad hanc Almam Urbem transmitteret, dilectus filius Angelicus Wolfacensis Ex-Vicarius, & actualis Diffinitor Generalis dicti Ordinis ad ejusmodi Commissarii generalis munus utraque parte ipsum unanimiter petente, deputatus, ac ad Provinciam prædictam missus, peractis ibi, quæ ipsi peragenda erant, apertaque super dicta divisione animi sui sententia eam omnino necessariam, memoratosque decem nempe Eupii, Luxemburgi, Arluni, Martisvillæ, Carologerii, Montis, seu Mons, Athi, Angia Sonnegii, & Namurei Conventus ab aliis prædictis novem, videlicet, Verniæ, Spadæ, Malmundarii, Stabuleti, Dionanti, Tudinii, & Huii, necnon Sancti Michaelis Civitatis Leodien, & Sanctæ Margaritæ ejusdem Civitatis Conventibus separandos, ac ex his decem, unam Vallonam pro Vallonibus Regiis nuncupat. ex prædictis vero novem Conventibus, alteram Leodiensem respectively nuncupandas Provincias constituendas esse, retulit, jamque Provinciarum, & Conventuum hujusmodi limites, confinia, & districtus, necnon quæstiones, & alia justitiæ distributiæ charitati, & paci consentanea jam forsitan statuta, designata, & disposita, seu statuenda, designanda, & disponenda, Diffinitorio Generali Ordinis prædicti communicata, & ab eo approbata fuerunt, quæ septem articulis comprehensa tenoris, qui sequitur, videlicet:

Articuli, de quibus conventum in ordine ad præsentem separationem.

Primus. Nomen, & sigillum Provincie Valloniae retinebunt, ditionis Regis Hispaniæ Conventus. Pro Conventibus autem Principatum Leodiensis, & Stabulensis in Sacro Romano Imperio sitis conficietur sigillum novum, & vocabitur Provincia Leodiensis.

Secundus. Quælibet Provincia se contineat intra limites suorum Conventuum, & suorum districtuum, Regii nempe intra limites Conventuum Montensis, Athenensis, Anghienfis, Sonnegienfis, Carologienfis, Namurcensis, Eupensis, Arlunenfis, Luxemburgensis, & Sancti Joannis Baptistæ juxta Martis Villam; Leodienses vero intra limites S. Margaritæ, & Sancti Michaelis Leodii, Varvienfis, Spadani, Stabulensis, Malmundarii, Hayensis, Dionatenfis, Thudiniensis, absque eo quod liceat Regiis aliquem ex Conventibus Leodiensibus jam memoratis, aut Leodiensibus aliquem ex præfatis Conventibus Regiis jure belli, aut alterius cuiuscumque prætextus prætere, aut occupare, & hæc quantum ad Conventus utriusque Nationis; In casu autem supervenientis alicujus controversiæ decident utriusque Nationis Patres.

Tertius. Quoad districtus vero utriusque partis Conventuum, quibus quærentur lanæ, butyrum, calefactio, & cætera sustentationi necessaria, Conventus Thudienfis districtus a parte Carologii extendatur usque in Ierne Sancti Angeli, Montigny, Letigneux, Nalines, & Famionlle inclusive a parte vero Hannoniæ usque Binchiam. Districtus Carologius ex parte

Urbis

Cœnobiorum Provincie Vallonæ.

Decernentes Cœnobiorum pro Prov. Vallona, & novem pro Leodiensiu.

Quæ Provincie firmandæ sunt 7. sequentibus articulis a Diffinitorio Gen. approbatis.

Articuli prædicti.

De nomine, & sigillo Provinciarum.

De earum limitibus.

De Cœnobiorum Districtibus.